



三才圖會

草木圖會四卷

草類

雲間允明父王思義續集

潭濱黃 晟東曙氏重校

附子

半夏

虎掌

大黃

葶藶

桔梗

葇若子

草蒿

旋復花

射干

藜蘆

蛇含

蜀漆

甘遂

白欵

青箱

白及

大戟

茵芋

貫衆



牙子 羊躑躅 何首烏 商陸

威靈仙 牽牛 葦麻子 天南星

羊蹄秃 菰根 篇蓄 狼毒

稀莨 馬鞭草 苧根 白頭翁

蘆 鬼臼 馬兜鈴 仙茅

附

子



附子

烏頭天雄附子側子並出蜀土然四品都是一種所產苗高三四尺以來莖作四稜葉如艾花紫碧色作穗實小子黑色如桑椹謹按本經冬採爲附子春採爲烏頭而廣雅云奚毒附子也一歲爲側子二歲爲烏喙三歲爲附子四歲爲烏頭五歲爲天雄一年種之便有此五物味辛大熱有大毒治陰毒傷寒又冷風濕痺大風筋骨攣急

半

夏



半夏

半夏生槐里川谷在處有之以齊州者為佳二月生苗一  
 莖一端三葉淺綠色頗似竹葉而光江南者似芍藥葉根  
 下相重上大下小皮黃肉白五月八月內採根以灰裛二  
 日湯洗暴乾以圓白存久者為佳其平澤生者甚小名羊  
 眼半夏又苗根絕類半夏而苗高一二尺許根如雞卵大  
 多生林下或云即虎掌之小者足以相亂半夏味辛有毒  
 主胃冷嘔噦方藥之最要也一名守田一名地文一名水  
 玉一名示姑又

虎

掌



本草綱目卷之四十四

四

三

虎掌

虎掌生漢中山谷及宛句河北州郡亦有之三四月生苗  
 高尺餘獨莖上有葉如爪五六出分布尖而圓一窠生七  
 八莖時出一莖作穗直上如鼠尾中生一葉如匙裏莖作  
 房傍開一口上尖下中有花微青褐色結實如麻子大熟  
 卽白色自落布地一子生一窠九月苗殘取根以湯入器  
 中漬五七日湯冷乃易日換三四遍洗去涎暴乾用之冀  
 州人菜園中種此亦呼爲天南星味苦温微寒有大毒主  
 心痛寒熱結氣積聚伏梁傷筋痿拘緩利水道

陰下  
 濕風眩

大黃



大黃

大黃山谷皆有以蜀川錦紋者佳其次秦隴來者謂之士  
 蕃大黃正月內生青葉似苳麻根如芋長一二尺踴生細  
 根如牛旁小者亦如芋四月開黃花亦有青紅似蕎麥花  
 者莖青紫色形如竹江淮出者曰土大黃二月花開細實  
 又鼎州出一種羊蹄大黃療疥癩甚効初生苗葉如羊蹄  
 累年長大其葉似商陸而狹尖四月內於押條上出穗五  
 七莖相合花葉同色結實如蕎麥而輕小五月熟即黃色  
 亦呼為金蕎麥採根破之亦有錦紋日乾之亦呼為土大  
 黃味苦大寒無毒解風熱踈積熱風壅消食化氣導血大  
 解癰滯推陳致新并傳一切瘡癰毒

苳

麻



葶藶

葶藶生藁城平澤及田野京東陝西河北州郡皆有之曹州者尤勝初春生苗葉高六七寸有似薺根白枝莖俱青三月開花微黃結角子扁小如黍粒微長黃色立夏後採實暴乾月令孟夏之月靡草死許慎鄭康成注皆云靡草薺葶藶之屬是也至夏則枯死故此時採之一名丁歷一名葶蒿一名大室一名大適味辛苦大寒無毒利小腸通水氣虛腫

枯

梗



桔梗

桔梗生嵩高山谷及窵句今在處有之根如小指大黃白色春生苗莖高尺餘葉似杏葉而長捲四葉相對而生嫩時亦可煮食之夏開花紫碧色頗似牽牛子花秋後結子八月採根細剉暴乾用葉名隱忍其根有心無心者乃薺也而薺也亦能解毒二物頗相亂但薺莖細青色葉小青色毛為異開中桔梗根黃頗似蜀葵根莖細青色葉小青色似菊花葉古方亦單用之一名利如一名房圖一名白藥

一名梗草味辛苦微溫有小毒治上焦有熱治馬喉痺妊娠中惡心腹疼痛鼻衄骨槽風牙腫痛

子 蓉 莨



葇若子

葇若子生海濱川谷及雍州今處處有之苗莖高二三尺  
葉似地黃王不留行紅藍等而三指闊四月開花紫色苗  
莖莖有白毛五月結實有殼作罌子狀如小石榴房中至  
細青白色如米粒一名天仙子五月採子陰乾謹按本經  
云葇若性寒後人多云大熱而史記淳于意傳云淄川王  
美人懷子而不乳意飲以浪藥一撮以酒飲旋乳且不乳  
豈熱藥所治耶一名橫唐一名行唐味苦甘寒有毒燒熏  
牙蟲及洗陰汗

草

蒿



草蒿

草蒿卽青蒿也生華陰川澤處處有之春生苗葉極細嫩時人亦取雜諸香菜食之至夏高四五尺秋後開細淡黃花花下便結子如粟米大八九月間採子陰乾根莖子葉並入藥用乾者炙作飲香充佳青蒿亦名方潰凡使子勿使葉使葉勿使根勿使莖四者若同反者成疾得童子小便浸之良一名青蒿一名方潰味苦寒無毒主疥癩癩痒惡瘡殺蝨留熱在骨節間明目

旋復花



旋復花

旋復花生平澤川谷今所在有之二月已後生苗多近水  
傍大似紅藍而無刺長一二尺已來葉如柳莖細六月開  
花如菊花小銅錢大深黃色上黨田野人呼爲金錢花七  
八月採花暴乾一名戴椹一名金沸草一名盛椹味甘有  
小毒主肋脇氣下寒熱水腫治膀胱宿水開胃止嘔逆不  
下食

射

干



射干

射干生南陽山谷田野今在處有之春生苗高二三尺葉似蠻薑而狹長橫張如翅羽狀葉中抽莖似萱草而疆硬六月開花黃紅色瓣上有細文秋吉實作房中子黑色根多鬚皮黃黑肉黃赤三月三日採根陰乾用之一名烏扇一名烏蒲一名烏翬一名烏吹一名草薑味苦有小毒能治喉痺水漿不入能通女人月閉治疰氣消瘀血

藜

蘿



藜蘆

藜蘆生泰山山谷陝西山南東西州郡皆有之二月生苗  
 葉青似初出櫟心又似車前莖似葱白青紫色高五六寸  
 上有黑皮裹莖似櫟皮有花肉紅色根似馬腸長四五寸  
 許黃白色二月三月採根陰乾此有二種一種水藜蘆莖  
 葉大同只是生在大水溪間石上根鬚百餘莖不中入藥  
 今用名葱白藜蘆根鬚甚少只是三十莖生高山者為佳  
 均州土俗呼為鹿葱一名葱薺一名葱菱一名山葱味辛  
 微寒有毒主上氣去積年膿血泄痢治惡風

療疥癬頭  
痛殺蟲

蛇  
舍



蛇含

蛇含生益州山谷今近處亦有之生土石上或下濕地蜀  
 中人家亦種之一莖五葉或七葉此有兩種當用細葉黃  
 色花者為佳八月採根陰乾用一名蛇銜味苦微寒無毒  
 治蛇蟲蜂虺所傷能治丹癰小兒寒熱



蜀漆

蜀漆生江林山川谷及蜀漢常山苗也常山生益州山谷及漢中蜀漆根也京西淮浙湖南州郡亦有之葉似茗而狹長兩兩相蓄莖圓有節三月生紅花青萼五月結實圓三子為房苗高者不過三四尺根似荊黃色而海州出者葉似楸葉八月採根陰乾用味辛微溫有毒治久瘧主堅癥下積聚

甘

遂



甘遂

甘遂生中山川谷陝西江東亦有之或云京西出者最佳  
 苗似澤漆莖短小而葉有汁根皮赤肉白作連珠又似和  
 皮甘草二月採根節切之陰乾以實重者為勝又有一種  
 草甘遂苗一莖端六月葉如蓖麻鬼曰葉用之殊惡生食  
 一升亦不能下唐注云草甘遂即蚤體也一名甘藁一名  
 陵藁一名陵澤一名重澤一名生田味苦甘大寒有毒能  
 瀉十二種水疾治心腹堅滿



白歛

白歛生衡山山谷江淮州郡及荆襄懷孟商齊諸州皆有之二月生苗多在林中作蔓赤莖葉如小桑五月開花七月結實根如雞鴨卵三五枝同窠皮黑肉白二月八月採根切片暴乾用一名兔核一名白草一名白根一名崑崙味苦微寒有毒治丁瘡發背湯火灼爛

青

菹



青葙子

青葙子生平谷道傍江淮州郡近道亦有之二月内生青  
苗長三四尺葉闊似柳軟莖似蒿青紅色六月七月内生  
花上紅下白子黑光而扁有似葇荳根似蒿根而白直下  
獨莖生根六月八月採子又有一種花黃名陶珠衍苗亦  
相似恐不堪用之一名草蒿一名姜蒿味苦微寒無毒治  
五臟邪氣益腦髓明目鎮肝堅筋骨去風寒濕痺



白及生北山川谷又冤句及越山江淮河陝漢黔諸州皆有之生石山上春生苗長一尺許似柝欄及黎蘆莖端生一臺葉兩指大青色夏開花紫七月結實至熟黃黑色至冬葉凋根似菱米有三角白色角端生芽二月七月採根一名甘根一名連及草味辛微寒無毒能治結熱不消主陰下痿治面上黥炮

大

戟



本草綱目卷之四

大戟

大戟澤漆根也生常山今近道多有之春生紅芽漸長作  
叢高一尺以來葉似初生楊柳小團三月四月開黃紫花  
團圓似杏花其根又似蕪荑根似細首參皮黃黑肉黃白  
色秋冬採根陰乾淮甸出者莖圓高三四尺花黃葉至心  
亦如百合苗江南者葉似芍藥一名却鉅味苦甘大寒有  
小毒破新陳下惡血癰塊腹內雷鳴通月水能墮胎孕

茵

芋



茵芋

茵芋出太山川谷淮州絳州葉州杭州亦有之春生苗高三四尺莖赤葉似石榴而短厚又似石南葉四月開細花白色五月結實三月四月七月採葉連細莖陰乾用或云日乾亦可一名莞草一名卑其味苦微温有毒治五臟寒熱似瘧諸關節中風痺拘急攣痛治男子女人軟脚毒風

貫衆



貫衆

貫衆生玄山山谷及宛句少室山陝西河東州郡及荆襄間多有之而少有花者春生苗赤葉大如蕨莖幹三稜葉綠色似小雞翎又名鳳尾草根紫黑色形如大瓜下有黑鬚毛又似老雞三月採根晒乾荆南人取根爲末水調服一錢匕止鼻血充効一名貫節一名貫渠一名百頭一名虎卷一名扁苻一名伯萍一名藥藻味苦微寒有毒主腹中邪熱氣諸毒除頭風止金瘡殺寸白蟲



牙 子

牙子

牙子即狼牙子生淮南川谷及宛句江東京東州郡多有  
 之苗似蛇莓而厚大深綠色根黑若獸之齒牙故以名之  
 三月八月採根日乾一名狼牙一名狼齒一名狼子一名  
 大牙味苦酸寒有毒主邪氣熱氣疥癩惡瘍瘡痔去白蟲

羊

躑

躑



本草綱目卷之四

三

羊躑躅

羊躑躅生太行山川谷及淮南山今所在有之春生苗似  
鹿葱葉似紅花莖高三四尺夏開花似凌霄山石榴旋蓄  
輦而正黃色羊食其葉則躑躅而死故以為名三月四月  
採花陰乾今嶺南蜀道山谷偏生皆深紅色如錦色然或  
云此種不入藥一名玉支味辛溫有大毒

何

首

烏



何首烏

何首烏本出順州南河縣嶺外江南諸州亦有今在處有  
 之以西洛嵩山及南京柘城縣者為勝春生苗葉葉相對  
 如山芋而不光澤其莖蔓延竹木墻壁間夏秋開黃白花  
 似葛勒花結子有稜似蕎麥而細小纔如粟大秋冬取根  
 大者如拳各有五稜瓣似小甜瓜此有二種赤者雄白者  
 雌本名交藤因何首烏服而得名一名野苗一名交藤一  
 名夜合一名地精一名陳知白味苦澀微溫無毒主癩癧  
 消癰腫療頭面風瘡五痔止心痛益血氣久服長筋

骨益  
精髓

商

陸



商陸

商陸俗名葦柳根生成陽山谷今處處有之多生於人家園圃中春生苗高三四尺葉青如牛舌而長莖青赤至柔脆夏秋開紅紫花作朶根如蘆服而長八月九月內採根暴乾一名葛根一名夜呼味苦辛有毒能瀉十種水病喉痺不通

威

靈

仙



威靈仙

威靈仙出商州上洛山及華山并平澤陝西州軍等及河東河北京東江湖州郡或有之初生比衆草最先莖便如釵股四稜葉似柳葉作層每層六七葉如車輪有六層至七層者七月內採花淺紫或碧白色作穗似莆臺子亦有似菊花頭者實青根稠密多鬚似穀每年盡朽敗九月採根陰乾仍以丙丁戊巳日採以不聞水聲者佳一名能消味苦溫無毒治腰腎脚膝積聚腸內諸冷病積年不差者服之無不立効



牽牛子

牽牛子舊不著所出州土今處處有之二月種子三月生  
苗作藤蔓遶籬墻高者或三二丈其葉青有三尖角七月  
生花微紅帶碧色似鼓子花而大八月結實外有白皮裹  
作球每球內有子四五枚如蕎麥大有三稜有黑白二種  
九月後收之又名金鈴段成式酉陽雜俎云盆甌草卽牽  
牛子也秋節後斷之狀如盆甌其中子似龜蔓如山芋卽  
此也味苦寒有毒主下氣療脚滿水腫除風毒利小便

莖

麻


子



蓖麻子

蓖麻子在處有之夏生苗葉似律草而厚大莖赤有節如  
 甘蔗高丈許秋生細花隨便結實殼上有刺實類巴豆青  
 黃班褐形如牛蟬故名之夏採莖葉秋採實冬採根日乾  
 胡中來者莖子更大味甘辛有小毒主水癥又主風虛寒  
 熱身體瘡癢浮腫尸疰惡氣笮取油塗之

天南星



天南星

天南星生平澤今處處有之二月生苗似荷梗莖高一尺  
 以來葉如蒟蒻兩枝相抱五月開花似蛇頭黃色七月結  
 子作穗似石榴子紅色根似芋而圓二月八月採根亦與  
 蒟蒻相類即虎掌也小者名由跋苗高一二尺莖似蒟蒻  
 而無斑根如雞卵又有白蒟蒻亦曰鬼芋根都似天南星  
 但天南星小柔膩肌細炮之易裂差可辨爾味苦辛有毒  
 主中風除痰麻痺下氣破堅積消癰腫利胃隔散血墮胎

羊 蹄 秃



羊蹄秃

羊蹄秃菜也生陳留川澤今所在有之生下濕地春生苗高三四尺葉狹長頗似蒿苳而色深莖節間紫赤花青白成穗子三稜有若芡蔚夏中卽枯根似牛蒡而堅實今人生採根醋摩塗癬速効一名東方宿一名連蟲陸一名鬼目一名蓄味苦寒無毒主頭秃疥癩除熱女子陰蝕浸淫疽痔殺蟲

菰

根



菰根

菰根今江湖陂澤中皆有之即江南人呼為菱草者生水  
 中葉如蒲葦春亦生笋甜美堪噉即菰菜也又謂之菱白  
 其歲久者中心生白臺如小兒臂謂之菰手臺中有墨者  
 謂之菱鬱其根亦如蘆根冷利更甚二浙下澤處菰草最  
 多其根相結而生久則并土浮於水上彼人謂之菰葑其  
 苗有莖梗者謂之菰蔣草至秋結實乃彫胡米也古人以  
 為美饌大寒主腸胃痼熱消渴止小便利

菰

葑



篇蓄

篇蓄亦名篇竹出東萊山谷今在處有之春中有地生道  
傍苗似瞿麥葉細綠如竹赤莖如釵股節間花出甚細微  
青黃色根如嵩根四月五月採苗陰乾能殺虫衛詩綠竹  
猗猗說者曰綠黃芻也竹篇竹也即謂此篇蓄也味苦無  
毒主浸淫疥癩疽痔殺三蟲療女子陰蝕

狼

毒



狼毒

狼毒生秦亭山谷及奉高今陝西州郡及遼石州亦有之  
 苗葉似商陸及大黃莖葉上有毛四月開花八月結實根  
 皮黃肉白二月八月採陰乾以陳而沉水者良一名續毒  
 味辛有大毒治痰飲癥瘕亦殺鼠殺飛鳥走獸

豨

豨



豨薟

豨薟俗呼火秧處處有之春生苗葉似芥菜而狹長文麗  
莖高二三尺秋初有花如菊秋末結實頗似鶴虱夏採葉  
暴乾用近世多有單服者云甚益元氣蜀人服法五月五  
日六月六日九月九日採其葉去根莖花實淨洗暴乾用  
味苦寒有小毒主熱蠱煩滿不能食兼主風濕瘡肌肉頑  
痺婦人久冷充宜服用

馬

鞭

草



馬鞭草

馬鞭草衡山廬山江淮州郡皆有之春生苗似狼牙亦類益母而莖圓高三二尺抽三四穗七月八月採苗葉日乾用味甘苦微寒有小毒或云子亦通用主下部濕瘡

根 苧



芋根

芋閩蜀江浙多有之其皮可以績布苗高七八尺葉如楮葉面青背白有短毛夏秋間着細穗青花其根黃白而輕虎二月八月採又有一種山芋亦相似陸機草木疏云芋一科數十莖宿根在地中至春自生荆楊間歲三刈管今諸園種之歲再刈便剥取其皮以竹刮其表厚處自脫得裏如筋者煮之用緝今江浙間尚復如此其根味寒主小兒赤丹其漬芋汁療渴

白頭翁



白頭翁

白頭翁生嵩山山谷今近京州郡皆有之正月生苗作叢狀如白薇而柔細稍長葉生莖端上有細白毛而下滑澤近根有白茸正似白頭老翁故名焉根紫色深如蔓青二月三月開紫花黃蘂五月六月結實其葉有風則靜無風而搖與赤箭獨活同七月八月採根陰乾用味苦溫有小毒止腹痛及赤毒痢治齒痛主項下癰癧一切風氣及煖腰膝明目


蘆



蘆

蘆 在處有之生下濕陂澤中其狀都似竹而葉抱莖生無枝花白作穗若茅花根亦若竹根而節疎二月八月採日乾用之當取小底甘辛者其露出浮水中者並不堪用按爾雅謂蘆根為葭華郭璞云蘆葦也葦即蘆之成者似萑而細長高數尺江東人呼為蕭蕭與荻同者為茨為藪似葦而小中實江東呼為烏菴或謂之荻至秋堅成即謂之萑其華皆名苕其萌笋皆名薤味甘寒主消渴客熱止小便利

鬼 曰



鬼曰

鬼曰生九真山谷及寃句江寧府滁舒商齊杭襄峽州荆  
 門軍亦有之多生深山岩石之陰葉似蓖麻重樓初生一  
 莖莖端一葉亦有兩歧者年長一莖莖枯為一曰二十年  
 則二十曰也花生莖間赤色二月開後結實根肉皮鬚並  
 似射于俗用皆是射于當細別之七月八月採根暴乾用  
 一名爵犀一名馬目毒公一名九曰一名天曰一名解毒  
 味辛微温有毒能主尸疰癘瘵勞疾傳尸瘦疾主辟邪氣  
 逐鬼

馬

堯

鈴



馬兜鈴

馬兜鈴生關中今河東北江淮夔浙州郡亦有之春生苗  
 如藤蔓葉如山芋葉六月開黃紫花頗類枸杞花七月結  
 實棗許大如鈴作四五瓣其根名雲南根似木香小指大  
 赤黃色亦名土青木香七月八月採實暴乾用味苦寒無  
 毒主肺熱欬嗽疾結喘促二血痔瘻瘡

仙

茅



仙茅

仙茅生西域及大庾嶺蜀川江湖兩浙諸州亦有之葉青如茅而軟復稍闊面有縱理又似櫻櫚至冬盡枯春初乃生三月有花如梔子黃不結實其根獨莖而直傍有短細根相附肉黃白外皮稍麓褐色二月八月採根暴乾用衡山出者花碧五月結黑子一名獨茅根一名茅瓜子一名婆羅門味辛溫有毒治一切風氣補勞傷開胃下氣益房事



